

Tere jaisa Ram bhakt | By Mukesh Bagda |

Tere jaisa Ram bhakt koi hua na hoga matwala,
Ek zara si baat ki khaatir seena faad dikha daala.

Ratan jadit hero ka haar jab lankapati ne nazar kiya,
Ram ne jaana aabhushan hai Sita ji ki aur kiya.
Sita ne Hanumat ko de diya, ise pehan mere laala,
Ek zara si baat ki khaatir seena faad dikha daala.

Haar haath mein le kar Hanumat ghuma fira kar dekh rahe,
Nahi samajh mein jab aaya tab tod tod kar fenk rahe.
Lankapati man mein pachhtaaya, pada hai bandar se paala,
Ek zara si baat ki khaatir seena faad dikha daala.

Haath jod kar Hanumat bole, mujhe hai kya keemat se kaam,
Mere kaam ki cheez wahi hai, jis mein baste Sita Ram.
Ram nazar na aaye ismein, yun bole Anjani laala,
Ek zara si baat ki khaatir seena faad dikha daala.

Itni baat suni Hanumat ki, bol utha Lanka wala,
Tere mein kya Ram base hai, bhari sabha mein keh daala.
Cheer ke seena Hanumat ne SiyaRam ka darsh kara daala,
Ek zara si baat ki khaatir seena faad dikha daala.

<https://bhaktivandana.com/lyrics/%e0%a4%a4%e0%a5%87%e0%a4%b0%e0%a5%87-%e0%a4%9c%e0%a5%88%e0%a4%b8%e0%a4%be-%e0%a4%b0%e0%a4%be%e0%a4%ae-%e0%a4%ad%e0%a4%95%e0%a5%8d%e0%a4%a4-by-mukesh-bagda-2/>